

HARVARD-YENCHING LIBRARY,
HARVARD UNIVERSITY
2 DIVINITY AVENUE
CAMBRIDGE, MASS. 02138

TA1980.2/40

Tract

1849

"The Compass"

TA1980.2
40

TA 1980.2/40
CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

Gift of A.B.C.F.M
MAR 6 1962

寧郡福音殿

耶穌一千八百四十九年

指南針

道光二十九年孟夏鑄

四海內之皆兄弟也

序

予竊以指南針名是書者。誠以汝在大海之中。不知向往。則有指南針以導汝路。不致飄蕩於水中。而得疾抵於彼岸也。今觀汝之爲人。無異船之失路。若聽吾言。必得正路。而至福堂。免沈淪之永苦。不猶舟之有指南針。免至險危之地。得臻寧謐之區乎。夫吾離友羅而來中華。亦既有年。問禁問俗之餘。始知華夏亦有四等人。所謂士農工商是也。乃有士

哈佛漢和
圖書館珍藏印

農工商所不廢。而泛乎中流。往來於水上者。其惟舟人乎。且有舟人而萬商可以乘焉。有舟人而百物可以通焉。有舟人而異國異地皆得來於諸夏焉。卽吾英船亦來中國與華民交接。彼此貿易。然後人有利而物可通。財有行而貨可易。皆古來國家之常經。民人之恒業也。由此觀之。則天下之士農工商俱有藉於舟人之力。而得裨益焉。吾何忍以隔膜視之。而不教之以救魂之大道哉。况人雖有

貴賤之分。而魂斷無大小之別。皆爲至寶。永
遠不滅。吾故不辭遠遊。而報斯佳音。中心藏
之。何日忘之。著是集以遍告天下舟人。願汝
各保其魂。勿以雕塑爲神明而誤識之。乃以
耶穌爲神子而依靠之。如是必免永禍而得
永福。庶幾我心可慰矣。

奉勸舟人

且夫舟人之事事亦甚危矣。大水茫茫。行舟於
波瀾之海。薄雲淡淡。懸身於險巖之天。旣難辨

東西之境界。問津無從。又不辭南北之迢遞。迷途常歎。而况半世江湖。未遂散人之願。百年湖海。莫禁豪氣之生。忍片時未必風恬浪靜。讓一步誠爲海闊天空。豈曰逍遙自在。聽其所至而休。詎云安逸爲常。任其無往不利。故當傾覆流離之際。而置身於魚腹者。未始非意中事也。吾也由西國而來。親見舟人之辛苦艱難。至今猶耿耿於心。未嘗一日去諸懷。故梓是書以奉勸汝等。可以免汝之罪孽。可以救汝之靈魂。各宜

勉力爲之。毋自懈焉。夫免汝之罪孽何哉。救汝之靈魂何哉。吾嘗觀汝等之將浮海也。整其衣冠。稽首於泥塑之像。獻其禮物。載拜於木雕之身。欲其庇佑於海中。欲其眷顧於島外。以爲彼能救人於將死之地。彼能拯人於必斃之方。嗚呼。何其謬哉。因不思之故也。夫人當危險之時。必有所求。以爲援救之計。大都然也。而舟人之所恃。其無恐者。乃尊之曰天后。又曰聖母。此最著也。吾思天后乃閩中之女流。烏可以恃其無

恐。而以彼爲神明哉。况彼亦有生死之日。所謂
彼人也。我人也。吾可依彼哉。吾可恃彼哉。吾可
以性命相託哉。諒不可依也。諒不可恃也。諒不
可以性命相託也。人若不思而以此所爲。得罪
於主神大矣。蓋主神曰。除我之外。爾不可有別
神。爾不可自專而造雕刻之偶像。彷彿天上地
下水中之物。爾不可俯伏向之。不可服事之。因
我爲主。爾之神。乃嫉妒之神。且討父罪於子。旣
恨我者。至三四代也。乃愛我兼守我命者。必施

慈悲至千萬代也。緬此數語。其意良深矣。若不
依斯命。其罪莫大焉。惟遵主神之意而行。不拜
他神。誠事獨一主神。必得免罪。神爲至聖至尊。
大慈大悲。無可較比。妙性無形。精靈無方。無終
無始。無本無末。萬人之主。萬世之神。萬民之父。
萬國之君。衆王之王。衆帝之帝。體雖止一。而位
有三。曰神父。曰神子。曰聖靈。合而言之。乃一也。
卽自然而然之神。稱一和活也。又彼之所命。乃
聖乃靈。乃義乃善。何必舍此他求。而造雕刻之

偶像。以干主神之震怒。而自害其靈魂哉。況今天下之人。莫不有魂。天下之魂。莫不有惡。惟惡則有罪也。有罪必有懲也。然所懲者。其用刑無不合宜。是故鐵案如山。將誰爲之排難解紛。惟有悔罪改過。篤信耶穌之教。而依其功德。不事偶像。革其舊染之污。庶幾其罪可免。此卽救魂之道矣。但論耶穌之教。遍傳西國。迄今千有餘歲。而其中之大旨。惓惓以一神爲念。所以然者。因萬物以天地爲最大。以日月爲最明。不知天

地日月之所由來。亦主神造之。以是知主神爲
大本大源。何可棄之。何可忘之。而逆其性哉。而
違其命哉。故耶穌上啟主神之秘旨。下開好生
之大德。併以得救之源。明示於我。蓋聖書曰。主
神甚愛世人。賜獨生之子。俾人信之者。不致沈
淪。乃得永生。此卽大喜之佳音。而贖萬人之靈
魂。恩非淺鮮矣。今以斯道傳於華民。以爲復性
之法。而保其魂。奈信者無幾。其故何也。無非暗
昧其教訓之理。不明其指示之端。固執一偏。不

加細察。而不知其道之至大至剛。大慈大悲。最
聖最潔。愚夫愚婦可以行之。然及其至也。雖聖
人亦有所不能。可知此理乃爲人倫之至要。而
上下皆宜知之。由是觀之。則神所愛世之道。舟
人亦不可不知也。奈何處此險危之境。禱於古
昔之人。而不敬愛主神。而不依靠耶穌。而不祈
禱聖靈。以此所爲。吾恐有損其性。有害其魂。何
舟人之不察。而以假爲真哉。夫耶穌降世。道成
爲肉。居在吾輩中。而致吾輩睹其榮。如父獨生

者之榮。而得充滿之恩。寵眞實。人何不思如此。慈悲之大道哉。况人心皆惡。莫不罪如山積。自不知而妄作妄爲。大千主神之例。禁則死後必有地獄以待之。而耶穌由天降臨。不辭痛苦。甘心代吾受罪。死於十字架上。流血以贖我魂。以免我罪。有此大赦之恩。有此大愛之寵。有此大慈大悲之矜憐。而忘之背之。其何能轉禍爲福哉。嗚呼。身雖死而魂無不活。倘汝身投於海。而魂必不在於水中。或在天堂。或在地獄。然天堂

地獄。有善惡之分。汝試思之。爲善乎。爲惡乎。應在天堂乎。應在地獄乎。但汝自或有不知。以吾度汝所爲。則必落於地獄。夫地獄是人之所惡也。天堂是人之所欲也。自旣迷而不悟。忘真神而拜僞神。背耶穌而祭先祖。胸懷邪意。口出亂言。甚至爭鬪爲常。禍生不測。聖書曰。惡者必進永刑。義者必進永生。豈可以萬物之靈。而投於永刑之苦處哉。嗚呼。哀哉。汝若有心。可奉吾言。以爲指南之針。必不引汝入迷途。而可抵永生。

之彼岸。吾願汝等咸認己惡。咸知己罪。甚悔前過。痛改前非。敬主神而求其赦。信耶穌而求其救。知聖靈而求其感。如是則汝與主神有相合不背之意。何畏死期之將臨哉。要言不煩。卽此數語。已足以終身行之。可保汝魂得救於世。世勉之勉之。

嗚呼。吾與爾萍水相逢。出此肺腑之言。來相勸勉。誠爲汝等在世所爲之事。既有非常之險危。又恐汝等去世之後。而魂亦沈

淪於險危之地我心何安焉。故梓是書以奉勸。切勿以我言為迂也。

指南針終



